

中國方志叢書·華中地方·第八一一號

據

清·陳蘭森等修，謝啓昆等纂
清乾隆五十四年刊本

影印

江西省

南昌府志

(五)

成文出版社有限公司印行

南昌府志卷二十二

祠祀 三

壇廟 三

豐城縣

社稷壇

在大東門外宋嘉定間縣尹唐容創邑人劉充

記明洪武中知縣齊景明重建今仍舊

以下皆本豐城縣志故不重載

先農壇

在登仙門外雍正五年知縣高岑奉文建

風雲雷雨山川城隍壇

在登仙門外楊柳湖北明洪武

中知縣齊景明建今仍舊

邑厲壇

在小北門外明知縣齊景明建今仍舊

里社壇三百二十四所

鄉厲壇三百六十所

城隍廟 在縣治西百步

關帝廟 在縣治東三十步卽劍江書院舊址前殿祀關

帝中殿祀三代後爲春秋閣俱乾隆七年知縣朱懷棧建

自爲記

龍王廟 一在西門外牆上明成化間主簿黃燧建一在

高陞門外新砌七星埽側

國朝乾隆十七年知縣滿岱建

東嶽廟 在大東門外邑人熊世宏創建明洪武中知縣

林弼改造有記

國朝康熙元年知縣何士錦重建

彭塘廟 在貞文書院北祀唐清源妙慧真君

斗門廟 在城南石關之上爲水口鎮

壺山廟 在三坊蓮花橋距縣二十五里

厚郭廟 在正信鄉唐義士傅祁禦寇戰歿於此鄉人立

廟祀之宋張自明有記禱捕蝗輒應

超山廟 在富城鄉世傳晉范登雲尸解於此因祀焉

龍津廟 在登仙鄉榮塘晉司空張華縣令雷煥得寶劍

於此因祀之舊名劍池廟宋紹興中賜今額

二
二
城隍廟 在宜風鄉楊子洲卽李司空廟祀唐淮南楊渥
部將李承龜天祐三年從秦裴攻鍾匡時屢立戰功後敗
死葬楊子洲有英靈土人卽墓側立廟祀之徐鉉記宋紹
興二年勅封今額

靈惠廟 在長安鄉神源祀唐廬陵黃元二子燦爽事無
攷

大橋廟 在曲江磯清明嘉靖二十三年旱典史王棟禱
雨有應

張睢陽廟 在塋坑

武當廟 在細彩灣廟廡雷神極靈應明天啟間有巨樟

仆於湖梗流壞舟居民百餘人拽之不能起知縣馮起綸
禱於廟越日大風雨挈樟至岸

正學祠 在縣治東省牲亭北祀朱子以邑賢李材徐卽
登配康熙十年知縣房廷楨建

曲江祠 在磯山之巔舊稱三賢祠祀朱子及李義山姚
勉朱子往還湖南時與李姚遊此後人因爲立祠明李夢陽有曲

江祠記

記曰贛江北奔入彭蠡湖千里猶建瓴也至豐城觸磯頭
岡則俛而東又折數里始北達也故曰曲江云登其岡望
盡見其奔北俛折之勢於是智者悟其理勇者宛其氣仁
者堅其塞速者紆其謀亢者抑其志是故古之賢人才士
生其鄉也游息增益其所不能過而登也依徐繿繿而弗
之忍去也故此夜扁舟之咏則有新安之朱磯山杖履之

國朝

章則有義山之李讀書往來其地則有雪坡之姚夫三人
者非世之所謂賢人才士耶是江也既與其詠章而往來
也則三人者不可不於其地祠之明矣正德七年夏五月
予巡視豐城登岡望江曲之勢見其上有祠也而非其鬼
乃立使去其鬼而作三先生主妥於其內及予還也則知
縣吳嘉聰業又作二亭祠後其最後亭有閣又最高登之
益足以盡此江奔北俛折之勢夫理以曲賤勢以曲貴孟
子曰人無有不善水無有不下謂理也何也智有所不投
勇有所不用謀有所不徑情志有所不直遂仁有乘其定
以驗其塞故曲者勢也終必北者非勢也故曰知水者可
與言道登斯亭也謁三先生之祠而覽其勢之所以殆有
取於予言哉殆有取於予言哉

查慎行詩題云豐城縣北十里磯頭山上有曲江祠朱文
公往還湖南時與李後林姚雪坡遊此後人因奉栗主以
祀三賢詳見李崆峒祠記中今以韋武陽易後林者訛也
名曰曲江西南來天矯北走龍到此乃東折磯頭扼其衝是
與姚杖履偕遊從三賢列祀典蔚爲名教宗世俗不好古
變置靡所衷作詩糾
繆誤兼以警盲聾

宗賢祠 在櫛山之龍澤宋尚書雷宜中建祀漢徐穉宋
胡安國以孺子讀書於櫛山文定與子寅嘗憇山之智度
寺故也 元范登有記 一稱龍澤書院

范登記宋景定甲子雷公爲粵連帥明年春登以錄曹辱
其幕府公嘗爲登言吾鄉櫛山之龍澤東漢徐孺子讀書
其間堂址猶存紹興壬子文定胡先生偕致堂及學徒由
浙西來憇於山之寺曰智度父子師友講授春秋於時松
溪范左司後來先大父司戶主一張寶章西堂范理卿泉
谷徐禮侍莫不往來觀遊嘉其清勝胡先生舊有祠堂寶
祐癸丑季春朔同後林李公奠謁祠下顧瞻傾漏意圖更
築併以鄉邦諸先達侑祀俟丐閒歸里此爲首事又明年
三月詔入覲留內久之咸淳己巳始相攸於寺之西偏鳩
正建堂峙閣於前東西廡序上下牕几規模初就門左有
溪跨橋而屋藏書萬卷將議位置諸賢乃分符舁節自袁
而建自建而粵王事驅馳志卒不就德祐乙亥天命旣改
皇路險巇公竟南寓而不復矣孺子書堂矩山徐資亦相
率族衆興廢纔就隨燬寺與堂閣幸無恙而藏書悉爲乘

時登德後景慕前修思承先志因所已創益所未完乃繪
高士給事及西岡以次十有二像序列龕奉公與司戶與
焉蓋公在辟雍雄文直氣名聞海內追躋立顯要每以古
人自任尙論東都南渡人物全身全名如高士明經明務
如給事居遊斯地風流餘澤久而愈新社稷尸祝寧不有
庚桑之愛而諸先達之所植立表表事業昭昭儀刑其持
循師法終始靡他者莫不著聲於州邑其翊扶大義正直
不阿者自足以增重於朝廷至如剛廉敏毅卓爲吏師清
端重懿見稱國器世守理學而文行明粹身兼才藝而議
論崇闢詎非後之人所當瞻仰而取則者合而祀之以配
二賢夫豈徒俊山寺之榮觀而已哉德俊屬登爲之記顧
衰且陋焉用僭抑表勵之機既有倡於前哲紹成之美復
有賴於後人以道而重斯地以人而重斯山斯寺蓋不特
爲一時重其必將爲千載重若許之箕山夷之西山皓之
商山所以名重今古而不可滅者皆是也又果假記以傳
耶特立祠登實知其概則
忱不容無述以詒來者爾

文丞相祠

舊在小北門外祀宋信國公文天祥元初公

子孫自吉從此立祠祀焉明嘉靖間巡撫朱豹巡撫陳察疏請春秋祭祀今圮遷建城隍巷

劉公祠 祀明知縣劉璫一在北門外正德間卽普庵堂爲之一在高陞門外濱江今圮

韓公祠 在縣治東壽昌寺旁爲明知縣韓弼建

報功祠 在縣治儀門外祀晉縣令雷煥唐縣令柳渾明知縣韓弼曹大川徐子器萬厯間知縣吳達可建明末燬址爲民房

劉徐二公祠 在華嚴寺側祀明巡撫劉光濟知縣徐子器以丈糧清稅民德而祀之今圮

湯公祠 在大東門外大路口爲明知縣湯兆京建邑人

李瑄徐卽登有記今圯

華公祠 在平豐塏爲明知縣華士標建

吳公祠 在西門外爲明知縣吳達可建

張公祠 在登仙壇旁爲明知縣張廷拱建

江公祠 在平豐塏爲明知縣江朝賓建

陶公祠 在戴家巷口臨街爲明署縣陶以詩建

徐公祠 在登仙壇旁爲明知縣徐揚先建

馮公祠 在西門外爲明知縣馮起綸建

沈公祠 在縣治前右偏爲明知縣沈斯棟建
自華公祠以下俱廢

靈槎祠 在廣豐鄉晉時得大木於白石墓民伐以獻次

獨楮津一夕木逆流至江人異而祀之號泛槎神太守范

甯奏聞敕封宋紹興中賜今額

羅公廟 未詳其地

按羅公廟縣志未載舊志亦僅於藝文內載有碑記今

增人

宋李義山豫章都督義寧郡公廟碑都督謂誰豫章羅暕也按羅暕字公布爲潯陽臨烝侯周法昂後陳宣帝時以軍功授開遠將軍除信雄將軍使持節豫章都督十郡諸軍事廉明公恕豈弟愛人獄訟庭決不開吏手政簡刑措民無紛華於章江立義渡以便往來於劍池東北五里許潯流入長樂港灌田千頃民懷其惠愛之如祖父仁壽元年爲東宮右虞候率進義寧郡公食邑一千五百戶予邑亦附食邑也煬帝卽位漢王諒反詔副楊素討而平之復

討諫餘黨軍於絳晉呂三州爲流失所中卒於師時年六十四豫章民追思之予鄉於曲江立碑頌德并祠之南唐時予邑令馮公儀胡旗塘可行重整廟貌今羅塘胡伯仲偕同族進士胡大訓繼而新之徵予記焉爰係之詞曰挹堯山之特秀繼羅峯之絕學跨曲嶺之高風漾半月於有形徹三潭於一色浮光耀金靜影沉玉天澤思波一碧無際此誠江南第一景而水鄉佳處也此誠賢牧萬年祠而清輝佳處也

楊忠愍祠 未詳其地

按忠愍祠舊志并縣志俱未載而省志藝文內有記今

增人

明劉曰寧楊忠愍祠記忠愍祠者祠故五官監候楊公也諱源江西豐城大路里人公狀貌魁梧目直視少習天文諸書父瑄爲御史劾奏石亨曹吉祥論戍亨吉祥誅徙瑄視海道隄決鹽鹽民患之公曰瑄不死鐵嶺幸而死此吾其以身爲璧馬耶遂赴海會有大木起水上乘之不死頃之隄成賜祠海鹽縣源初爲太僕主簿上書左遷應詔徙

五官監候正德初諸宦者用事瑾最幸久之典兵柄先年
七月公上言臣備員占候謹得以職事諫春秋謹災異事
應具存臣伏見近者心宿動搖心固明堂天子之象陛下
不可不戒不報冬十月晦京師霧十日公復上言此陰冒
陽下叛上之應臣前疏哀籲臣無叩心泣血之忠呼天無
效在禮父母有過一諫不聽則再諫臣昧死以聞瑾怒矯
詔杖公幾絕瑾自以多行無忌益務爲羅織於是黨人議
起而少師劉健謝遷尙書劉大夏韓文林瀚張敷華免歸
杖艾璞戴銑薄彥徽李夢陽崔潛王守仁姚祥張偉徙戍
有差中外以日閣學士李東陽拱手而已公發憤上言自
正德二年以來一向占候熒惑守太微東西往來太微帝
座也應在君側幸陛下早圖之瑾匿不奏矯制杖公數之
曰監候乃亦欲爲忠臣耶械之肅州及河陽創甚死妻庾
氏斬蘆荻奔公古城瑾誅御史唐龍上言故五官監候楊
源父子以諫顯源三諫死道路蘆荻掩骨昔劉安世七徙
惡州猶獲生還至如源者尤可悲涕其請錄源後楊氏議
寢嘉靖某年河決古城墓廢皇帝二十六年巡河北僉事
某議葬公衣冠驛東門都御史上書請賜源諡祠春秋制
曰忠愍其令有司奉祠祀予讀楊公事蓋重傷臣職云監
候非閒散吏耶位卑罪言高計免者辭與事云乃又曰不

在縣治西明洪武初知縣梁璧建萬厯間知
縣黃汝亨改立西門外知縣周光祖復改立城隍廟右今
仍之以下皆本進賢縣志故不重載
先農壇 在東關外蓮花園
風雲雷雨山川城隍壇 在縣治南來撫門外明洪武初
進賢縣
然之氣至大至剛則塞乎天地之間
死劉忠宣公尸人耶天耶孟子曰浩
或問河決劉子曰正德諸臣之事難言矣長沙諡芳宇壽
曉然市駿骨樹之風聲藉令肉食者彼將何解於忠愍哉
且然耶資格業以限人不收效又令自改免斯足悲矣上
伏誅公後諸臣白所謂官高者望遠秩薄者名微卽身歿
恐切死其職仁矣乎仁矣乎死監候非毅皇帝意帝悟瑾
然之氣至大至剛則塞乎天地之間

進賢縣

社稷壇

舊在縣治西明洪武初知縣梁璧建萬厯間知

縣黃汝亨改立西門外知縣周光祖復改立城隍廟右今

仍之

以下皆本進賢縣志故不重載

先農壇

在東關外蓮花園

風雲雷雨山川城隍壇

在縣治南來撫門外明洪武初

知縣梁璧立今仍舊

邑厲壇 舊在縣治西迎恩門外明洪武初知縣梁璧立
萬厯間知縣黃汝亨改建北門外今仍之

里社壇一百六十五所

鄉厲壇一百六十五所

城隍廟 在縣治南明洪武初建萬厯間知縣周光祖修
國朝康熙年間知縣聶當世重修

關帝廟 在水西門外

黃司空廟 祀陳都督贈司空黃法氈廟在治西馬步塘

之上

康王廟 在壇石山相傳勅封善利孚應康王之廟縣志

云或云康王宋高宗藩封舊名說者以爲周康王又爲楚康王其非周康王不足辨若楚康王則廬山有祀此或其分祀歟然面黑以爲吞蝗則莊王事也聞饒祀康王者乃文吏康佑亦白面今建昌有康王祠乃宋將康保裔有德於建後死邊事抑其祀流入進賢歟

忠壯廟 在縣治北師過渡右祀吳伍員歲久圯康熙間知縣聶當世重建自爲記

樊修職祠 在崇禮鄉宋高宗南渡王虎魏全爲亂襲豫章邑人樊昌時昌盛昌諤舉義兵與虎拒戰數日皆死虎